

## Намознинг фарз ва вожиб амаллари | Ҳадис дарслари (320-дарс)



19:00 / 05.03.2025 5857

Ҳанафий мазҳаби уламолари намознинг фарз ва вожиб амаллари ҳақида қуйидагиларни айтганлар.

Намознинг фарзлари олтитадир:

1. Такбири таҳрима айтиш.
2. Қиём – тик туриш.
3. Қироат.
4. Рукуъ.
5. Сажда.

6. Ташаҳхуд миқдорича қаъдаи охирда ўтириш.

Намознинг вожиблари ўн саккиздадир:

1. Намозни «Аллоҳу акбар» лафзи билан очиш.

2. Фотиҳа сурасини қироат қилиш.

3. Фотиҳадан кейин зам сура ўқиш.

4. Биринчи икки ракъатда зам сура ўқиш.

5. Фотиҳани зам сурадан олдин ўқиш.

6. Саждада пешона билан бирга бурунни ҳам ерга теккизиш.

7. Ҳар бир ракъатда такрорланадиган амалларни тартиб билан қилиш.

8. Фарз ва вожибларни хотиржамлик билан, шошмасдан адо этиш.

9. Уч ва тўрт ракъатли намозларда биринчи қаъда.

10. Биринчи қаъдада ташаҳхудни ўқиш.

11. Охирги қаъдада ташаҳхудни ўқиш.

12. Биринчи қаъдада ташаҳхудни ўқигандан кейин кеч қолмасдан, учинчи ракъатга туриш.

13. Намознинг охирида икки марта салом бериш.

14. Имомнинг қироатни жаҳрий қилиш лозим бўлган намозларда жаҳрий қироат қилиши.

15. Имом ва яққа намозхоннинг Пешин ва Аср намозларида қироатни махфий қилиши.

16. Витр намозидаги қунут дуосини қироат қилиш.

17. Икки ийд намози такбирлари.

18. Муқтадийнинг имомга эргашиши ва қироатга қулоқ осиши.

**«Ҳадис ва ҳаёт» китобининг 4-жузи асосида тайёрланди.**